

RENDA DE INTEGRACION SOCIAL DE GALICIA

■ Concepto:

É unha prestación social de carácter periódico destinada a garantir recursos económicos de subsistencia a quen careza deles, mediante un proxecto personalizado de inserción constituído por un conxunto de accións tendentes á mellora da integración persoal, familiar, social e, se é o caso, laboral da persoa beneficiaria.

■ Requisitos de acceso:

- Estar empadroado/a e ter residencia efectiva en calquera dos concellos da Comunidade Autónoma de Galicia polo menos durante o ano inmediatamente anterior á formulación da solicitude. Entendese por residencia efectiva aquela que habite o solicitante por tempo superior a seis meses nun período de doce. Quedan eximidas do cumprimento deste requisito dun ano:
 - Aquelas persoas que, procedentes doutras comunidades autónomas do Estado español, sexan beneficiarias do salario social na Comunidade Autónoma da que proceden, sempre que na lexislación desa Comunidade se recolla a reciprocidade.
 - As vítimas de violencia doméstica que cambian o seu domicilio por motivos de seguridade.
 - Os emigrantes galegos retornados cando fixen a súa residencia en Galicia. Asemade, aquelas persoas nadas en Galicia que residindo noutras comunidades autónomas volvan fixar a súa residencia en Galicia.

Os cidadáns e as cidadás doutros estados non membros da Unión Europea precisarán, ademais, acreditar a residencia legal en España no momento da formulación da solicitude.

- Ter constituída unha unidade de convivencia independente, vinculada economicamente á persoa solicitante.
- Ter unha idade comprendida entre os 25 e os 65 anos.

Non obstante, tamén poderán ser beneficiarios:

- a. Menores de 25 anos, que reunindo o resto dos requisitos, teñan menores ó seu cargo.
 - b. Persoas maiores de 18 anos que, tendo recoñecida a condición de minusvalía, non teñan dereito a prestación ou axuda de igual ou análoga natureza.
 - c. Persoas maiores de 18 anos que, antes de acadaren a maioría de idade, estivesen tuteladas pola Xunta de Galicia e internadas en centros de protección de menores ou en acollemento familiar.
 - d. As persoas maiores de 18 anos en situación de orfandade absoluta que, reunindo os demais requisitos, non teñan dereito a outras prestacións ou axudas de análoga natureza.
- Dispoñer de recursos económicos inferiores á contía da prestación económica da RISGA que no seu caso lle corresponda.
 - Que non existan persoas legalmente obrigadas e con posibilidade real de prestar alimentos. A xuízo do órgano de resolución, poderase eximir deste requisito aqueles solicitantes dos que se prevexa que a obriga de alimento non se poida facer efectiva por malos tratos, relacións familiares deterioradas ou inexistentes, das que exista constancia no expediente.

■ Documentación:

- Modelo de Solicitud.
- Copia cotexada do DNI do/da solicitante e do resto das persoas integrantes da unidade de convivencia.
- Copia do libro de familia, se é o caso
- Copia cotexada do Recibo do Imposto sobre Bens Inmóbles da vivenda propia, no seu caso.
- Xustificación documental que proceda no caso de ser titular doutros bens móbiles ou inmóbles.
- Copia cotexada do certificado de Minusvalía no suposto de que o/a solicitante ou calquera dos membros da unidade de convivencia teña a condición de discapacitado/a.
- No caso de ser vítima de violencia doméstica que cambia o seu domicilio por motivos de seguridade deberá presentar solicitude de orde de protección.
- No caso de persoas cidadás procedentes doutros estados deberán presentar copia do pasaporte ou DNI en vigor e copia da Tarxeta de Identidade de Etranxeiros, cando estean obrigados/as a obtelo. No caso de persoas cidadás de estados non membros da Unión Europea, Espazo Económico Europeo ou Confederación Suíza deberán presentar, en todo caso, copia cotexada da Tarxeta de Identidade de Etranxeiros ou da resolución de concesión do permiso de residencia.
- No caso de persoas cidadás procedentes doutras CC.AA. do estado español que sexan beneficiarias do salario social da CC.AA. da que proceden, deberán presentar copia cotexada da resolución de outorgamento.
- No caso de persoas emigrantes que fixasen a súa residencia no territorio da CC.AA Galega deberán presentar copia cotexada da baixa consular e acreditación documental da súa última veciñanza administrativa anterior á emigración en calquera dos concellos da CCAA.
- No caso de persoas maiores de 18 anos en situación de orfandade absoluta deberán acreditar a devandita situación.
- No caso de que o/a solicitante estivese empadroado/a durante o ano inmediatamente anterior nun ou varios concellos da Comunidade Autónoma distintos a aquel no que tramitara a solicitude, deberá xuntar os certificados de empadroamento que procedan.
- No seu caso, acreditación de ingresos de todos/as os/as convivintes (IRPF, nómina, etc)

■ Obrigas dos/das usuarios/as:

- Destinar o importe da prestación ó fin para o que se concede.
- Participar nas accións contidas no proxecto de inserción.
- Escolariza-los menores ó seu cargo que estean en idade escolar obrigatoria.
- Non exerce-la mendicidade nin a prostitución, nin inducir á práctica de calquera delas a ningún membro da unidade de convivencia.
- Comunica-las variacións sobrevidas que puidesen dar lugar a modificación, suspensión ou extinción da prestación.
- Exercitar, cando o órgano competente para a resolución o estime conveniente, á vista dos informes que consten no expediente e no prazo que se estableza na correspondente resolución, calquera dereito económico que puidese correspondel-las segundo a lexislación vixente.
- Cantas outras obrigas se deriven do obxecto e finalidade da RISGA.

■ **Prestacións:**

1. Económicas:

- a. Subsidio básico de conta fixa equivalente ó 75 % do importe mensual do indicador público de renda de efectos múltiples (IPREM):
- b. Complemento familiar variable en función do número de membros do fogar:
 - 12% do importe mensual do IPREM polo primeiro membro adicional.
 - 10 % do importe mensual do IPREM polo segundo.
 - 8 % do importe mensual do IPREM por cada un dos restantes membros.

As persoas beneficiarias que se manteñan na percepción da prestación despois de catro anos ou se reincorporen só terán dereito ao subsidio básico cunha conta mensual equivalente ao importe mensual da PNC, sen dereito á percepción do complemento

O importe que percibirá cada persoa beneficiaria estará constituído pola diferenza entre a conta mensual da RISGA que lle corresponde e a dos recursos económicos dos que dispoña e, en ningún caso poderá superar o límite do 125% do IPREM mensual.

Non se considerarán recursos económicos:

- Os ingresos irregulares que unicamente resulten un complemento de supervivencia.
- Os ingresos de carácter finalista dirixidos á formación regrada e profesional ou a paliar situacións de emerxencia social.
- As prestacións familiares por fillo a cargo maior de 18 anos cunha minuscallya igual ou superior ao 65% xeradas polas persoas integrantes da unidade de convivencia.
- c. Complemento de inserción: a conta deste complemento que se poida establecer nos correspondentes proxectos, será determinada en función das súas especiais características, dedicación e gastos que implique. Poderase beneficiar deste complemento toda persoa que, non sendo perceptora da RISGA, esta incorporada a un proxecto de inserción dentro dos programas elaborados para este fin.

2. Non económicas:

-Acceso a formación ocupacional.

-Integración laboral: incentivos tanto para a contratación por conta aliea coma para o autoemprego e a economía social e prioridade para participar nos programas de colaboración con outras administracións públicas e entidades sen ánimo de lucro para a realización de obras e servizos de interese xeral ou social e para a participación en programas mixtos de formación e emprego.

-Programa de incentivos á contratación por conta aliea de persoas desempregadas pertencentes a colectivos en risco de exclusión social.

-Programa de fomento do emprego en cooperativas e sociedades laborais

■ **Lugar de presentación**

- **Servizos Sociais Comunitarios do Concello de Pazos de Borbén**
- Delegacións Provinciais da Igualdade e do Benestar

■ **Prazo de presentación:**

Durante todo o ano.